

Қазақстан Республикасы Үкіметінің 1997 жылғы 18 қарашадағы N 1599 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің Қаулысы 1998 жылғы 17 шілде N 676. Күші жойылды - ҚРҰ-нің 1999.02.23. N 156 қаулысымен. ~P990156

Қазақстан Республикасының Үкіметі қаулы етеді:

"Қазақстан Республикасы Үкіметінің Регламенті туралы" Қазақстан Республикасы Үкіметінің 1997 жылғы 18 қарашадағы N 1599 P971599_ қаулысына мынадай өзгерістер мен толықтырулар енгізілсін:

аталған қаулымен бекітілген Қазақстан Республикасы Үкіметінің Регламентінде:

"Жалпы ережелер" деген I бөлімде:

5-тармақ "мүдделерін қорғауды" деген сөздерден кейін "сондай-ақ прокурорлық жауап беру актілерін қарауды" деген сөздермен толықтырылсын;

"Жұмыстарды жоспарлау" деген II бөлімде:

7-тармақта:

екінші абзацтағы "Қазақстан Республикасының Премьер-Министрімен келісілген" деген сөздер алынып тасталсын;

үшінші абзац "анықтаманың негізінде" деген сөздерден кейін "Кеңсе Басшысы" деген сөздермен толықтырылсын; "Премьер-Министрі" деген сөз "Премьер-Министрінің келісуімен" деген сөздермен ауыстырылсын;

"Қазақстан Республикасы Үкіметінің мәжілістерін дайындаудың және оларды өткізудің тәртібі" деген III бөлімде:

13-тармақта:

бірінші абзац "көпшілік даусымен" деген сөздерден кейін "хаттамалық шешім" деген сөздермен толықтырылсын; "Қазақстан Республикасы Үкіметінің қаулысымен ресімделетін, Үкіметтің шешімі немесе мәжілістің хаттамалық шешімі" деген сөздер алынып тасталсын;

екінші абзац алынып тасталсын;

14-тармақта:

"қатыса алады" деген сөздер "шақырылуы мүмкін" деген сөздермен ауыстырылсын;

"шақырылған адамдар да" деген сөздер алынып тасталсын;

16-тармақта:

бірінші абзацтағы "осы Регламенттің 7-тармағының бірінші абзацында аталған" деген сөздер алынып тасталсын;

17-тармақта:

екінші абзацтағы "Үкімет қаулысының жобасына" деген сөздер "анықтамаларға, талдау материалдарына, хаттамалық шешімдердің жобаларына" деген сөздермен ауыстырылсын;

үшінші абзацтағы "Үкіметтің қаулысының" деген сөздер "хаттамалық шешімінің" деген сөздермен ауыстырылсын;

төртінші абзац алынып тасталсын;

жетінші абзацтағы "Үкімет қаулысының жобаларын қараудың нәтижелері бойынша дайындалған Премьер-Министр Кеңесінің сараптық қорытындысы және" деген сөздер алынып тасталсын;

18-тармақ алынып тасталсын;

21-тармақ алынып тасталсын;

"Мемлекеттік органдардың бастамашылығы бойынша енгізілген Қазақстан Республикасы Үкіметінің қаулылары мен Премьер-Министрі өкімдерінің жобаларын дайындаудың және ресімдеудің тәртібі" деген IV бөлімде;

22-тармақта:

бірінші абзацтағы "мемлекеттік органдар" деген сөздерден кейін "осы Регламентке және Үкімет бекіткен Нұсқаулыққа сәйкес" деген сөздермен толықтырылсын; абзац мынадай мазмұндағы екінші сөйлеммен толықтырылсын: "Үкімет қаулысының жобаларын немесе Премьер-Министр өкімдерінің жобаларын әзірлеуді жүзеге асыратын мемлекеттік органның басшысы олардың Қазақстанның 2030 жылға дейінгі даму стратегиясына сәйкес болуы үшін жауап береді";

бесінші абзац мынадай редакцияда жазылсын:

"жобалар міндетті түрде:

белгілі бір жобаны қабылдаудың экономикалық тұрғыда мақсатқа сай екенін негіздеу бойынша - Қазақстан Республикасының Энергетика, индустрия және сауда министрлігімен;

белгілі бір жобаның қаржылық тұрғыда мақсатқа сай екенін негіздеу бойынша - Қазақстан Республикасының Қаржы министрлігімен;

енгізіліп отырған жобаның республика заңдарына сәйкестігіне құқықтық сараптама жүргізу үшін - Қазақстан Республикасының Әділет министрлігімен келісіледі";

мынадай мазмұндағы алтыншы және жетінші абзацтармен толықтырылсын:

"Үкімет пен Премьер-Министр актілері жобаларының мемлекеттік тілден орыс тіліне аудармасының дәл болуы үшін жауапкершілік-әзірлеушіге, ал жобалардың құқықтық сәйкестігі үшін жауапкершілік Әділет министрлігіне жүктеледі.

Мемлекеттік органдар Үкімет пен Премьер-Министр актілерінің жобаларымен бірге қолданылып жүрген заңдарды қабылданатын актілерге сәйкес келтіру жөніндегі нормативтік құқықтық актілердің жобаларын енгізеді. Егер актілердің жобалары заңдарды осы актілерге сәйкес келтіруді талап етпесе, онда бұл туралы ақпарат жобалардың түсіндірме жазбасында көрсетіледі";

тоғызыншы абзацтағы "жеті күннен" деген сөздер "жеті жұмыс күнінен" деген сөздермен ауыстырылсын;

мынадай мазмұндағы оныншы абзацпен толықтырылсын: "Әділет министрлігі қолданылып жүрген заңдарды Қазақстан Республикасының Президенті бастамашылық жасаған және қабылдайтын, Үкіметті заңдарды осы актіге сәйкес келтіру жөніндегі тапсырманы орындаушы деп белгілейтін актіге сәйкес келтіруді көздейтін, нормативтік құқықтық актінің жобасын әзірлеу жөніндегі мемлекеттік органды (мемлекеттік органдарды) жауапты орындаушы (жауапты орындаушылар) етіп белгілеу жөнінде Үкіметке ұсыныс енгізеді. Ұсыныс Президенттің актісі күшіне енген күннен бастап үш күндік мерзім ішінде енгізіледі";

23-тармақта:

мынадай мазмұндағы екінші абзацпен толықтырылсын:

"көлемі екі парақтан асатын Үкімет шешімдері жобаларының және олардың қосымшаларының әр бетіне жобаны енгізетін мемлекеттік органның осы мәселеге жауапты орындаушысының қолы қойылуға тиіс".;

24-тармақта:

екінші абзацтағы "он күннен" деген сөздер "он жұмыс күнінен" деген сөздермен ауыстырылсын;

мынадай мазмұндағы 3-тармақшамен толықтырылсын:

"3) сараптамадан өткеннен кейін жобалар Премьер-Министрдің орынбасарларымен олардың құзыреттерінің шегінде, Премьер-Министр мен оның орынбасарларының арасында белгіленген міндет бөлуге сәйкес келісілді.

Жобалар Үкіметке енгізілгеннен кейін Премьер-Министр орынбасарларының мазмұндық сипаттағы ескертулері пайда болған кезде Премьер-Министрдің орынбасарлары қажет болған жағдайда кеңес шақырады, оның нәтижелері хаттамамен ресімделеді. Премьер-Министрдің жобаны қарайтын орынбасарлары, Премьер-Министрдің Кеңесі жобаны қарау барысында пайда болған ескертулер мен ұсыныстарды хаттамалық шешіммен ресімделгенде ғана (кеңес өткізілген

жағдайда) немесе жазбаша тапсырмамен ғана жобаларды пысықтауға қайтаруға құқылы";

25-тармақта:

"Үкімет мүшелері жалпы санының басым көпшілігінің визасы болған кезде", "оған қосымшаға жобаны ұсынған мемлекеттік органның бірінші басшысы виза қояды" деген сөздер алынып тасталсын;

26-тармақта:

"Үкіметтің" деген сөздің алдынан "Қол қойылған" деген сөздермен толықтырылсын; "қол қойылған түп нұсқаларын" деген сөздер алынып тасталсын;

"Үкіметтің заң жобалары жұмыстарының жоспары мен Үкіметтің заң жобалары жұмыстарының жоспарына енгізілген заң жобаларын дайындаудың тәртібі" деген VI бөлімде:

35-тармақта:

бірінші абзац мынадай редакцияда жазылсын:

"35. Үкіметтің қарауына ұсынылатын мемлекеттік және орыс тілдерінде дайындалатын заң жобасы жөніндегі материалдар мыналарды қамтуға тиіс:

- 1) заң жобасы және Үкіметтің жоба жөніндегі қаулысы;
- 2) жобаны қабылдау қажеттігінің негіздемесі, қабылданатын заңдардың мақсаттарының, міндеттерінің, негізгі ережелері мен болжалып отырған салдарлардың егжей-тегжейлі сипаттамасы бар түсіндірме жазба;
- 3) мүдделі мемлекеттік органдармен келісу парағы;
- 4) егер тәуелсіз немесе ғылыми сараптама жүргізілген болса, жоба бойынша сараптық қорытындылар;
- 5) негізгі жобаның қабылдануына байланысты өзгертілуге немесе күші жойылған деп танылуға тиісті заң актілерінің жобалары және жобаны іске асыру үшін қажетті нормативтік құқықтық актілерді әзірлеу туралы ұсыныстар мен олардың тізбесі;
- 6) егер заң жобасы шығыстарды талап ететін болса қаржыландыру

көзі көрсетілсе отырып, қаржылық-экономикалық есептер;

7) қолданылып жүрген заңдарға өзгерістер мен толықтырулар енгізу туралы нормативтік құқықтық актінің жобасы енгізілген кезде баптардың бұрынғы және жаңа редакцияларының салыстырма кестесі ұсынылады;

8) белгіленген нысандағы анықтама парақ";

"Қазақстан Республикасы Үкіметінің актілерін жариялаудың тәртібі" деген VII бөлімде:

38-тармақта:
"Казахстанская правда" деген сөздерден кейін "Заң",
"Юридическая газета" деген сөздермен толықтырылсын.

Қазақстан Республикасының
Премьер-Министрі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК